



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1508. usque ad annum 1513

Fleury, Claude

August. Vind. [u.a.], 1769

VD18 90118456

§. 109. Verona a Venetis obsessa.

[urn:nbn:de:hbz:466:1-66433](https://nbn-resolving.org/urn:nbn:de:hbz:466:1-66433)

Sæcul.XVI alieno imperio parere cœpissent. Igitur
A.C.1510. Helvetii die sexta Septembris in Medio-
 lanensem Ducatum irrumpentes, haud
 procul a Castellione castra metabantur:
 Calvimontius, qui totus in eo erat, ut
 eorum iter vel impediret, vel saltem re-
 tardaret, omnem militum annonam, e-
 quorumque pabula, quæ in tutum locum
 transferre haud poterat, flammis absumi
 iussit, nec tamen propterea Helve-
 tiorum irruptionem in Mediolani Duca-
 tum præpedire valuit; hi enim duo mil-
 lia peditum Vasconum a ponte Vedano,
 quem illi sub Barone Molardo tueban-
 tur, propellunt, sicque sibi expeditum i-
 ter *Centurionem* usque aperiunt, inde ve-
 ro Novocomum progrediuntur a Civibus
 ultro recepti, ut spontanea deditioe præ-
 dationis furorem redimerent; nihilomi-
 nus cum Helvetiorum copix tam anno-
 næ, quam pecuniæ inopia laborarent,
 suscitato tumultu in tam apertam sedi-
 tionem eruperunt, ut discedere, ac Billi-
 tionem redire decernerent, quod & effe-
 ctui dederunt, nullo pacto retineri su-
 stinentes.

§. CIX.

Verona a Venetis obsessa.

Guic. l. 8. Ceterum Venetorum Senatores spem
 concipiebant, se egregium quoddam
 faci-

facinus adversus Gallos aggrediendi
 spacium nacturos, dum illis interea Hel-
 vetii aliquamdiu negotium facefferent;
 quapropter Lucæ Malvezzio, quem, Ba-
 lione exauctorato, copiis præfecerant, in
 mandatis dabant, ut urbes ad initium
 belli a fœderatis captas recuperaret, de-
 mum vero Veronam cingeret; Recense-
 bat Malvezzius in suo exercitu octingen-
 tos cataphractos, equitum leviter arma-
 torum tria millia, necnon peditum decem
 millia, haud computatis Venetis militi-
 bus indigenis, qui licet non nisi rustici
 essent, pari tamen studio Venetorum sti-
 pendia merebantur, perinde ac si sibi so-
 lis Reipublicæ summam gerere incumbere-
 ret. Necdum Mensis September evol-
 vebatur, cum jamjam Venetorum exer-
 citus Montem-Selicem, omnesque, quas
 Cæsarei in Patavino, ac Vicentino tractu
 occupaverant, urbes, ipsamque Vicen-
 tiam recuperaret: demum vero Veneti
 Veronam juxta militaris disciplinæ leges
 obsidere cæperunt: nihilominus Calvi-
 montii conatibus denuo reservabatur
 gloria, ut Venetos obsidionem solvere
 compelleret, quamvis eam illi tota vi-
 rium contentione urgerent, jamque su-
 peratis omnibus munitionibus extra mu-
 ros constructis, arcem S. Felicis, vici-
 numque aggerem tam crebris ruinis dis-
 cuterent, ut obsessi illam diutius tueri de-

Sæcul. XVI.
A.C. 1510.

Guic. l. 8.



Sæcul. XVI
A.C. 1510.

sperarent; opportune tamen adfuit Calvimontii auxilium: Hinc animus crevit obsessis, egressique porta, tanto furore obsidentibus inferunt signa, ut potior Venetorum pars fuga dilaberetur, reliquis misere trucidatis, demum erecti deiciuntur aggeres, tormenta bellica adactis clavis obstruuntur, & ipse Malvezzius consentiente Senatu obsidionem solvit, funestis totius exercitus reliquiis ad S. Bonifacium infra Albejum flumen sese recipientibus, ubi tamen in quodam loco, tam fluvii, quam paludum opportunitate munitissimo tam valide sese cingebant, ut impune cunctos hostium impetus eluderent.

§. CX.

*Iterata sed frustranea Pontificis
molimina adversus Ge-
nuenses.*

Equidem frigoris asperitate jamjam imminente milites ad hyberna dimittere oportuisset, attamen Papa bellum continuari peroptabat, quippe nec Helvetiorum reditus, nec sinister contra Ferrariam ac Genuam armorum successus ejus animum fregerat; unde Gallos ab urbe Genuensi propulsare decrevit, spreto quorundam monitis, qui suggerebant, Gallos rebus suis intentos sibimetipsis
fat